

漳州地方文獻叢刊·府縣志輯之一

清康熙
丁酉年

龍溪縣志

十二卷

清江國棟修

陳元麟
莊亨陽
蔡汝森纂

漳州市圖書館

康熙丁酉重脩

龍溪縣志

本衙藏板

清康熙《龙溪县志》影印说明

龙溪县旧志今存6种。即：明刘天授修，林魁等纂《龙溪县志》八卷，嘉靖14年（1535）刊，1965年上海中华书局据天一阁藏本影印；明万历年（1573）《漳州府志》摘抄本；清江国栋修，陈元麟、庄亨阳等纂《龙溪县志》十二卷，康熙56年（1717）刊，清吴宜燮修，黄惠、李畴纂《龙溪县志》二十四卷首一卷，乾隆27年（1762）刊本，清光绪5年（1879）八十四重刊本附吴联薰等增编二卷，民国34年（1945）陈鉴修纂《龙溪新志初稿第一辑》。清光绪重刊本，民国本由市县方志部门在80年代影印。

今按馆藏清康熙本复印件缩小影印，以满足读者阅读需要。

《龙溪县志》十二卷。清江国栋修，陈元麟、庄亨阳、蔡汝森纂。清康熙56年（1717）刻本。版框22×16cm，四周双栏，10行20字，白口。国家图书馆有藏，福建省图书馆等藏缩微胶卷。

江国栋，字梅溪，正红旗，清康熙52年（1713）以知州管知县事。陈元麟，字石民，海澄县人，清康熙38年（1699）举人，官至刑部主事，与蔡世远同纂《漳州府志》。庄亨阳，字元仲，南靖县人，清康熙57年（1718）进士，官至江南淮徐道，有《秋水堂遗集》。蔡汝森，字巽三，龙溪县学生员。

本书重新影印，得到陈侨森、福建省图书馆特藏部、龙海市方志办的支持，得到吴鸿飞、韩海榕、市规划局、芗城区政协、华安县博物馆的赞助，谨向诸位先生和有关单位部门表示衷心的感谢！

龍溪縣志序

溪邑建自蕭梁本南安郡地也歷代迄明
邇相沿革志亦屢爲纂訂自明萬曆至今
邑乘失脩致百餘年間滄桑已易文獻無
稽缺畧孰甚今秋

大中丞陳憲臺通飭各郡邑脩輯志乘是
不但欲一新殘簡且使山川城郭土俗民

龍溪縣志

序

一

風皆可按籍而稽亦爲治之大要也溪邑
江尹久慨板板無存不再纂述何以傳後
奉檄之次踴躍從事於是延訪儒宿搜羅
散逸裒集成編凡十二卷其一邑中建置
沿革風土人物載之詳矣至于忠孝節烈
原以風世勵俗所關匪細竊見近之脩志
者秉筆時或動于利或雜以私每多失實

識者嗤之江尹有鑒于此寧嚴毋濫務核

其真庶其傳之可信哉將梓問序於余余

以溪爲漳郡附郭邑旣多崇山復通巨海

自梁以來變遷非一今則金湯鞏固生聚

滋繁運會日趨于盛矣其間險隘扼制之

區因革措置之方生民之休戚風化之本

原講求宜急使簡帙終于廢墜將何以酌

龍溪縣志

序

二

古斟今不違于俗不戾于時行而合宜乎

邑乘旣脩寧止補百餘年文獻之缺將使

職斯土者因地制宜審時立政化民成俗

之大皆得有所攷據不至迂踈而鮮當于

以仰承

大中丞飭脩之意庶其有合歟爰因所請

而爲之序

峇

康熙丁酉嘉平月穀旦福建巡海汀漳使

者三韓李鉉撰



龍溪縣志

序

三

序

漳爲州其屬而分治者十邑而龍溪實首
化之地從公率屬常爲諸邑先山川之清
麗人文之蔚郁民物之輻輳亦甲他邑此
固考亭文公之舊治北溪先生之故里雖
代遠風微屢更治亂而遺俗流風藹然未
泯其於先賢之澤沐浴而親炙之不可誣

龍溪縣志

序

四

也歲丁酉余自粵西移守漳郡蒞治茲邑
其觀察是邦者爲奉天 李公而前守則
今陞江左 魏公念庭邑令則梅谿江君
也寅恭協贊上下休和固已政通事舉可
藉無爲然承理政之餘尤在因情隨俗以
善厥後而欲察變于將來唯務鑒觀於往
迹因取魏公所脩郡志而檢閱之且欲旁

搜邑乘以按其規制考其謠俗視其厝注
之宜而江君適以邑志告成請序於余蓋
是時

朝議方欲脩職方之紀輯王會之圖令諸道
各脩郡縣之志而江君又嘗預魏公郡志
之役稔知其概周咨博訪緣其略以得其
詳閱兩月而事竣余嘗以郡之志諸邑爲
存其大都今魏公旣成郡志于前而江君
復脩邑乘于後余得從容而考其成自首
邑以推旁邑因其風土而輕重布之于以
承觀察公之德意而踵前守之後塵或庶
幾焉若夫倡明道學丕振風教則有紫陽
之遺澤在余何敢望

昔

康熙歲次丁酉季冬上澣福建漳州郡守

三韓李秉衡撰



縣誌所以載一縣之山川戶口忠孝節義
以及名賢遺跡不可使有關畧龍溪邑乘
自壬辰年兵燹之後原版無存凡奉採取
俱於府誌手抄廢而失脩因循已久茲恭
遇

大中丞陳公奉

命撫閩留意文獻准

龍溪縣志

序

七

禮部咨取府縣誌書而龍溪以抄本呈送隨
蒙檄行修纂典甚鉅也考邑自鄭逆歸

命歷今數十餘載海宇昇平士民仰沐

聖天子之教養深仁厚澤戶口之多衣冠之盛

風俗已臻上理

棟

謹延宿彥考舊徵今始

自疆域以迄災祥其間建置沿革山川形

勢規制興復政事得失人物盛衰風俗貞

淫歌吟紀事靈跡勝區禎祥妖異彙成一

書分爲十二卷其所以樹風教而振末俗

不致文獻無徵者皆賴

中丞公有以命之也謹序

康熙丁酉淦月上浣龍溪縣以知州管知

縣事三韓江國棟題



龍溪縣志

序

八

序

龍溪之始置邑蓋自蕭梁時迄唐而隸清漳
遂徙建州治其視諸邑爲古且近而被政令
聲教領一郡風氣宜無先焉者及朱文公守
郡陳北溪王東湖兩先生相與倡明道術爲
郡間人冠皆龍產也自是山川之靈秀日出
守宰之治理益隆習俗旣淳文物逾盛由宋

龍溪縣志

序

九

明以逮

本朝名賢傑士隱彥閨貞蔚起林立其事業文
章志行風烈皆足垂諸紀載顧邑乘自明季
而後闕不脩者百餘年卽前志亦以滄桑兵
燹散失殆盡獨有萬曆間府志分紀二冊蓋
僅有存者

梅谿江公以循良課最擢州牧權茲邑廉平

慈惠爲治尚清簡政成民樂利興弊剔因慨
志之久軼謀欲脩之會省

院檄所部脩郡縣志以備職方之採遂蒐討
遺編訪輯舊聞因略求詳事綜文核增前志
之闕遺與其所未及志者使數百年來疆域
規制仕宦人物風土諸俗釐然得所考證而
龍溪之志復完矣書竣屬余紀歲月余邑人

龍溪縣志

序

十

也樂志之成感 公旣惠我龍人而又澤之
以不朽也遂不辭庸陋而書以爲序

昔康熙丁酉歲臘月

賜進士出身吏部觀政治年家弟昌天錦頓首
拜書



龍溪自大同龍巖始建厥邑玉鈴啓土閱數傳乃隸于漳其時邑乘無徵紀載闕如宋祥符間令天下脩圖經迨後有淳熙嘉定淳祐三郡志今不傳明正德間周瑛脩郡志自宋歷元明幾二百餘年世久事湮多從闕文繼復有嘉靖及萬曆癸酉癸丑二志龍溪附府以見今傳者癸酉志所分紀龍溪者是也諸事附府見者皆不載至自癸丑以後于今復百有餘年則併郡志缺焉明社旣屋

龍溪縣志

序

士

我朝定鼎鯨鯢鼓沫變故頻仍龍以附郭因革之間事倍往昔語疆域則分割海澄而遷界復界紛紛矣語規制則墜城築城而衙署之興廢非舊矣語學校則黌宮茂草城闕傷心賢有司之興復教養不可沒也語賦役則四

差之後變爲一條鞭再變爲丈量後變爲歸宗合戶而良法屢更民胥惠矣語兵防則屯田變爲召募而陸防水防與時增設兵制之密邁宋明矣至于風俗則奢儉貞淫往往遞嬗若循環焉秩官之或裁或設選舉之或增或減藝文之待于採風災祥之關於人事以及宦蹟之光于政治人物之係于風化皆載

龍溪縣志

序

士

筆所不可廢而歷時已遠老成凋謝兵燹屢痛紀載散亡採取艱焉

邑侯江公來撫茲土方下車卽孳孳與麟共商此事煩劇之下初政未遑越今年諸事畢脩又適逢

部文有徵取各志之令江公曰此吾志也因詣麟使承乏供事辭不獲已乃就館于芝山

之陽邀莊君亨陽及門姪汝森共爲商核搜
殘篇羅往事定治部居分十二目餘以類附
而江公聽政之餘相與考定焉閱兩月告
成其自萬曆以前多因舊志少所增刪自萬
曆以後或採之故老遺聞或訪之士大夫紀
述或收之殘篇斷簡或拾之敗碣遺碑或考
之本朝會典或徵之省志郡志至于人物之

際分爲數類大善大名小善小名德全者行
芳才備者節取韋布之士亦多慕義香奩之
女每見懷貞哀而集之毋敢遺濫嗚呼夫一
人之立身各有本末百年之直道自有公評
是是非非彼蒼視之其容以私意亂哉是則
編筆者之所自矢也夫

康熙五十六年歲舍丁酉十有一月圭海陳

元麟
謹序

凡例

一龍溪經兵火之後舊志無存僅得殘編二冊係萬曆癸酉府志所分紀龍溪者其事附府者多不載闕畧已甚自萬曆以後府志亦失脩而百餘年間故老遺黎俱已凋謝文獻皆無足徵極力採輯不無遺漏觀者諒之

一是志分十二目紀其大端餘各以類分附使事增文省以便觀覽

一首疆域凡建邑分土最重故首紀建置星野叙沿革而詳其疆界都邑附以山川使觀者按籍了然

龍溪縣志

凡例

一

亦取禹貢之義云

二規制建邑以規制爲先周官體國經野雖細必詳蓋所以固禦設治表德通財以至于養生送死無憾長民者毋以煩瑣忽之

三學校國家以學校養士士入其中者生則旂常死則俎豆龍自歷代以來從學校出者率多正士無僉壬其於學校最爲無負我

朝留心教養視歷代更至故詳自

宸翰以及規條迄于養老之制以學宮義學社學及書院廩膳學田屬之而以祀典之禮附焉

四兵防凡國大事維祀與戎况龍溪爲多亂之邑寇盜時警君子以思患預防故考歷代所置而詳識本朝之所定專防分防水防陸防以及城堡墩臺備書于簡而附以兵亂亦安不忘危鑒于大易衣袵之戒

五賦役有兵必有賦而公旬三日古人不廢龍溪附府又地分爲南靖爲海澄事煩地隘屯田僧田紛紛弊竇勾丁寺餉種種支吾自丈量之後民始聊生其中如去大當去小甲歸宗合戶等事俱闕民生大利故詳記其本末于篇而後志其戶口上田

龍溪縣志

凡例

二

稅糧以及存留起運之數附載雜稅鹽法于左六秩官設官治民歷代各有官制縣官與民最親治亂因之簿丞佐治儒官分教皆治民也故紀其姓氏其有宦蹟可述者附著于左以勸後之君子七選舉薦辟法最古然開郡自唐業以進士科爲重故列科目于首至

本朝立賢無方材能異等及乘時自見之士是不一途均列之特用中而以貤恩任子并列於後

八人物自唐宋以來迄于萬曆悉依舊載不敢增刪惟分彙紀錄先人所謂大行受大名小行受小名

是也且人不必盡善而行可節取故以類置之其中或有其人可取又若無所專屬不得不依附以見至其人未必可傳而有一二事可嘉者則分係之各事之下而論說可傳者亦收入藝文不以人掩也至萬曆以後人材最盛悉依類附入惟

本朝七十年間 國初多明季遺人近者又事業方新其已傳者尚未多人當俟之後日所謂百年是非乃定云

列女附人物傳後龍貞女烈婦最多然窮簷編戶不能自傳無從搜採茲或得父老之傳聞或得縉

龍溪縣志 凡例

三

紳之紀述亦彙而登之卽前志中或有一二傳聞異詞非有的據善善從長不敢刪棄君子以厚道待人觀者諒焉

九藝文變亂屢經先輩佳咏鴻文雖不無遺失然存者尚多卷帙已隘必于邑中風土有關涉者採之不然如名臣奏疏或論著佳篇不遑登錄惟唐宋名賢遺藻或事關重大書之史冊者不必有關郡事亦姑錄之蓋將以俟之採風者

十風俗龍溪自紫陽作守以後風教漸興前此無所攷僅見于紫陽教令北溪二書及俞亨宗訪求民

瘼碑記故並載之而取以耳目所見聞者若干篇附以物產民事固闕醇薄土物亦係貞淫長民者留心于此政治風教未必無少補也

十一古蹟似無足重輕然喬木亦關故國况靈區與宅擴人心胷勝蹟遺基引人企慕峴碑留思雍門起淚故須存之

十二災祥天道與人事相表裏春秋謹書災祥雖不言徵應然示人恐懼脩省之意甚切故以此終之蓋歸本其事于天云爾至遺事附載簡末先賢一言一行不忍棄置或事傳異辭跡涉疑信存以俟

龍溪縣志 凡例

四

考或有關鑒戒書以備覽蓋取拾遺補闕之義云

脩志姓氏

總裁

分巡福建海防汀漳道按察使司僉事加三級李鉉祁山

鑒定

漳州府知府加一級李秉衡山公

重脩

龍溪縣以知州管知縣事加三級江國棟梅縣

叅訂

龍溪縣儒學訓導署教諭事李肇功亦謙

龍溪縣縣縣丞朱汝鑑保三

龍溪縣志
姓氏

纂脩

海澄縣舉人陳元麟石民

南靖縣舉人莊亨陽元仲

龍溪縣舉人蔡汝森巽三

龍溪縣志目錄

脩志姓氏 凡例 輿圖

第一卷

疆域

建置 星野 沿革 疆界 都邑 山川

八景

第二卷

規制

城池 公署 坊表 倉廩 通道 水利

墟市 養濟 義塚

龍溪縣志
目錄

第三卷

學校

學校考 宸翰 規條 養老 生員額數

學宮 義學 社學 書院 廩膳 學租

學田

附祀典

第四卷

兵防

兵防考 宋兵制 元兵制 明兵制列官

國朝兵制 防汛 塘巡 墩臺 教場

軍器局 列官 歷代武臣列傳

附兵亂

第五卷

賦役

賦考 役考 戶口 土田 雜稅 屯糧

屯丁 附徵 存留 起解 雜徵 則例

鹽法考 鹽稅

第六卷

秩官

官制考 唐縣令 宋知縣事 縣丞

龍溪縣志 目錄

二

主簿 縣尉 元縣尹 主簿 縣尉

教諭 明知縣 縣丞 主簿 典史

教諭 訓導 國朝知縣 縣丞 典史

教諭 訓導

附官蹟

第七卷

選舉上

選舉考 唐明經 進士 薦辟 宋進士

特奏名 雜科 宗子取應 宗子覃恩

鄉貢 薦辟 元進士 釋褐狀元 鄉貢

薦辟

選舉中

明進士 舉人 貢生 薦辟 武科進士

選舉下

國朝進士 舉人 貢生 武科進士

武科舉人 特用文職 特用武職

附歷代勳爵 貤恩 任子

第八卷

人物上

唐列傳 宋名臣 良吏 直節 理學

龍溪縣志 目錄

三

儒林 文苑 孝弟 義烈 義行 寓賢

元儒林 孝行 義行 義烈

人物中

明名臣 清介 良吏 才能 理學

儒林 文苑 忠節 孝友 篤行 義行

義烈 隱逸

人物下

國朝清介 循良 孝友 才能 篤行

義行

附歷代方伎 仙釋 列女

第九卷

藝文上

著書總目 詩賦

藝文中

詔勅表疏書序

藝文下

記墓誌銘雜文

第十卷

風俗

風氣民屬家禮歲時遺教

龍溪縣志

四

附物產

第十一卷

古蹟

城邑 廨署 樓閣 堂宅 亭臺 院社

郵館 營壘 巖洞 水石 祠廟 寺觀

古物 近蹟 塚墓

第十二卷

災祥

附遺事


目錄終


輿圖

龍溪縣志

輿圖

府城池







龍溪縣志

輿圖

二



龍溪縣志

輿圖

三



